

四庫全書

集部

欽定四庫全書

文苑英華卷二百七十八

宋 李昉等 編

送行十三

白居易十二首

殷堯藩一首

姚合十二首

章孝標一首

施肩吾一首

袁不約一首

劉商六首

朱慶餘十首

賈島二十四首

洛下送牛相公出鎮淮南

白居易

北闕至東京風光十六程坐移丞相閣春入廣陵城紅  
旆擁雙節白鬢無一莖萬人開路看百吏立班迎闇外  
君彌重樽前我亦榮何須身自得將相是門生

送武士曹歸蜀士曹即武中丞兄

白居易

花落鳥嚶嚶南歸稱野情月宜秦嶺過

集作宿

春好蜀川

集作江

行江

集作鄉

路通雲棧郊扉近錦城烏臺陟岡老人

送集作羨別時榮

江西雨後送客

前人

雲黑雨脩脩江昏水暗流有風催解纜無月伴登樓酒罷無多興帆開不少留唯看一點火遙認是行舟

送友人上峽赴東川辟命 前人

見說瞿唐峽斜橫集作仰灔澦根難於尋鳥道險過上龍門羊角風頭急桃花水色渾山廻若鰲轉舟入似鯨吞巖合愁天斷波跳恐地翻憐君經此去為感主人恩

送令狐相公赴太原

前人

六纛雙旌萬鐵衣并汾舊路滿光輝青衫書記何年去  
紅旆將軍昨日歸詩作馬蹏隨筆走獵酣鷹翅伴觥飛  
北都莫作多時計再為蒼生入紫薇

送令狐尚書赴東都留守

前人

翠華黃屋未東巡碧落青嵩付大臣地稱高情多水竹  
山宜閑望少風塵龍門即擬為遊客金谷先憑作主人  
歌酒家家花處處莫空管領上陽春

送徐州高僕射赴鎮

前人

伏大

集作  
大

紅旆引碧油

集作  
幢

旌新拜將軍指點行戰將易

求何足貴書生難得始堪榮離筵歌舞花叢散候騎刀  
鎗雪隊迎應笑蹉跎白頭尹風塵唯管洛陽城

送蘄春李十九使君赴郡

前人

可憐官職好文詞五十專城未是遲曉日鏡前無白髮  
春風門外有紅旗郡中何處堪携酒席上誰人解和詩  
唯共交親開口咲知君不及洛陽時

送河南尹馮學士赴任

前人

石渠金谷中間路  
軒騎翩翩十日程  
清洛飲冰添苦節  
碧嵩看雪助高情  
謾誇河北操旄鉞  
莫羨江南擁旆旌  
時新除二  
鎮節度

何似府寮京令外  
別教三十六峯迎

送唐州崔使君侍親赴任 前人

連持使節歷專城  
獨賀崔侯最慶榮  
烏府一拋霜簡去

朱輪四從板輿行

郎中從殿中連典  
四郡皆侍親赴任

發時正許沙鷗送

到日方乘

集作無

竹馬迎唯慮郡齋賓友少一

集作數

孟春

酒共誰傾

送陝州王司馬赴任

前人

陝州司馬去何如養病集作靜

資貧兩有餘

公事閑忙同

少尹俸錢多少敵尚書只携美酒為行伴獨集作唯

作新

詩趨下車自得有集作 鉄牛無詠者料君投刃必應虛

送客

前人

病上藍輿相送來衰容秋思兩悠哉涼風嫋嫋吹槐子  
却請行人勸一杯

送客遊吳

殷堯藩

吳國水中央波濤白渺茫衣逢梅雨漬船入稻花香海  
戍通鹽竈山村帶蜜房欲知蘇小小君試到錢塘

送別賈島

姚合

懶作歸鄉客

集作佳山人

官家自贖身書多筆

集作答

漸重卧

少枕長新野客狂無過詩仙瘦始真秋風千里去誰與

我相親

送任畹及第歸蜀

前人

子規啼欲死君聽因無愁闌下聲名出鄉中意氣游東  
川橫劒閣南斗近刀州神聖題橋集作前字千人看不休

送饒州張使君

前人

都陽勝事聞難比千里連連是稻畦山寺去時通水路  
郡門開處是詩題化行應免農人困庭靜惟多野鶴栖  
飲罷春明門外別蕭條驛路夕陽低

送徐員外赴河中從事

前人

赤府從軍美儒衣結束輕涼颺下山寺曉浪滿闊城閑

生生集作饒詩景高眠散酒醒集作道情長將軍呈不集作不戰術計日立功名

送巢縣裴明府

前人

見說為官處煙霞思不窮夜猿啼戶外瀑水落厨中名藥人難識仙山路盡集作易通還施清集作應淨化誰復與君同

送王澹

前人

常晉省集作為官處門前數樹松尋山屐費齒書石筆無

鋒葉熟猿偷亂花繁鳥語重今來為客去借惜集作取最

高峯

送王

集作盧

秘書遊魏川

集作州

前人

太行山下路荆棘昨來平一自開元後至今通客

行地形吞北虜人事接東京掃灑塵埃

集作氣埃

靜遊從氣

味生薊門春不豔淇水暖還清看野風情遠緣花酒病

成官閑身自在詩逸語縱橫車馬迴應晚煙光滿去程

送陳形之

集作稠

赴江寧從事

前人

荊州勝事衆家

集作  
皆

聞幕下今朝又得君才子何須守

集作  
藉科第男兒終久要功勲江村竹樹多於草山路塵

埃半是雲新什定知饒景思不應一向賦從軍

送源中丞使新羅

前人

赤墀賜對使殊方官重霜臺紫綬光玉節在船清海惟

金函開詔撫

集作  
拜

夷王雲晴漸覺山川異風便寧知道

路長誰得似君將雨露海東萬里灑扶桑

送張宗原

前人

東門送客道春色如死灰一客失意行十客顏色廻

文粹

低作住者既無家去者又非歸窮愁一成疾百藥不可治

子賢我且愚命分不合齊誰開塞躡門日日同遊栖子  
行何所切集作之所切食與衣誰能買仁義令子無寒饑  
野田不生草四向生路岐士人甚商賈終日須東西鴻  
鴈春北去秋風復南飛勉君向前路無失相見期

送任畹評事赴沂海

前人

擲筆不作尉戎衣從嫖姚嚴冬入都門僕馬氣益豪沂

州右鎮雄士勇旌旗高洛東無憂虞半夜開虎牢丈夫  
貴功勳不貴爵祿饒仰眠作書生衣食何由銷任生非  
常才臨事膽不搖必當展長畫逆波斬鯨鰲九陌塵土  
黑話別立遠郊孟堅勒燕然豈獨在漢朝

送李餘及第歸蜀

前人

蜀山高峩堯蜀客無平才日飲錦江水文章盈其懷十  
年作貢賓九年多遭廻春來登高科升天得梯階手持  
冬集書還家獻庭闈人生此為榮得如君者稀李白蜀

道難羞為無成歸子今稱意行所歷安覺危與子久相  
從今朝忽別離風飄海中船會合難自期長安米價高  
伊我常渴飢臨岐歌送子無聲但陳詞義交外不親利  
交內相違勉子慎其道急若食與衣苦蕡疑作熱道路亦  
赤行人念前馳一杯不可輕遠別方自茲

送饒州張蒙使君赴任

章孝標

饒陽因富得州名不獨農桑別有營日暖持集作提筐依  
茗樹天陰把火入銀坑江寒魚動槍旗影山晚集作曉雲

和鼓角聲太守能詩兼愛靜西樓見月幾篇成

送人

集作客

南遊

施肩吾

見說南行

集作遊

偏不易中途莫忘寄書頻凌空瘴氣窮

飛鳥鮮語山魈惱病人閩縣綠娥能引客泉州烏藥好

集作可 防身異花奇竹分明看待汝歸來畫取真

送人至嶺南

袁不約

廣嶺春風暖花多不識名瘴煙迷月色巴路傍溪聲畏  
藥將銀試防蛟避水行知君憐酒興莫殺醉猩猩

送廬州賈使君拜命

劉商

考績朝稱貴時清武用文二天移外府三命佐元勲佩  
玉兼高位縱金闈上軍威容冠是鐵圖盡閣名芸人詠  
甘棠茂童謠竹馬羣懸旌風肅肅卧轍淚紛紛特達恩  
難報昇沈路易分侯羸不得從心逐信陵君

送林袞侍御東陽秩滿赴上都

前人

幾年烏府內何處逐鳬歸關吏迷驄馬銅鍾累繡衣野

人山草綠客路柳花飛况復長安遠音書從此稀

送楊閑侍御拜命赴上都 前人

賀客移星使絲綸出紫薇手中霜作簡身上綉為衣驂  
馬朝天疾臺烏向日飛親逢皆避路不是送人稀

送李元規昆季赴舉 前人

見誦甘泉賦心期折桂歸鳳雛皆五色鴻漸又雙飛別  
思看衰柳秋風動客衣明朝問禮處覩覺鴈行稀

送人之江東

前人

含香仍佩玉宜入鏡中行盡室隨乘興扁舟不計程渡  
江霖雨霽對月夜潮生莫慮當炎暑稽山水木清

滑州送人先歸

前人

河水冰消鴈北飛寒衣未足又春衣自憐漂蕩經年客  
送別千迴獨未歸

送辟州劉使君

朱慶餘

王府登朝後巴香典郡新江分入峽路山見採鞭人舊  
業孤城夢生祠幾處身知君素清儉料得却來貧

送盛隨軍

前人

莫辭東路遠此別  
豈閑行職處中軍  
要官兼上佐榮野  
亭嵐色暗秋水藕  
花明拜省期將近  
孤舟促去程

送韋校書赴靈州幕

前人

共知行處樂猶惜此時分職已為書記官曾校典墳寒

城初落葉高樹晚集作遠生雲邊事何須問深謀祇在君

送崔秀才遊江陵

前人

樽前荆楚客雲外思縈廻秦野春已盡商山花正開鷗

驚帆乍起虹見雨初來自有歸期在蟬聲處處催

送淮陰丁明府

前人

之官未入境已有愛民心遣吏廻中路停船

集作車

對遠

林鳥聲淮浪靜雨色

集作氣

稻苗深暇日公門掩惟應伴

客吟

送韋縣校書赴浙東幕

前人

丞相辟書新秋闕獨去入官離芸閣早名占甲科頻水  
驛迎船火山城候吏塵湖邊寄家去到日倍榮親

送饒州張使君

前人

白頭為郡清秋別山水南行豈覺賒楚老已集作只應思

入境吳門從此去移家館依高嶺分樟葉路出重江見

葦花務退惟當吟咏苦留心曾不在天集作生涯

送郡州林使君

前人

軒車此去也逢時地屬湘南頗入詩一月計程那是遠  
中年出守未為遲水邊花氣薰草服嶺上嵐光濕畫旗  
想得化行風土變州人應為立生祠

送劉思復南河從軍

前人

七千里別寧無恨且貴從軍樂事多不駐節旄先候發  
偶逢山寺亦難過蠻人猶放畲田火海獸羣遊落日波  
遠作受恩身不易莫拋書劍近笙歌

送浙東周巡

集作川官

前人

久聞從事滄江外誰謂無官已白頭來備戎裝嘶數騎  
去持丹詔入孤舟蟬鳴驛樹

集作遠驛殘陽遠樹

集作鷺起潮

田夕

集作片

雨秋到日重陪丞相宴鏡湖新月在城樓

送殷侍御赴同州

賈島

馮翊滿西郡沙岡擁地形中條全離岳清渭半和涇夜  
久眠明月秋新集作深至洞庭由來交臂者集作辟士事事集作作別  
偃林扁

送皇甫侍御

前人

曉鐘催早朝獨自赴嘉招舟泊襄江濶田收楚澤遙鴈  
驚起衰草猿渴下寒條來使黔南日時應問寂寥

送陳判官赴天德

前人

將軍邀入幕束帶便離家身煖蕉衣窄天寒磧日斜火  
燒岡斷草風捲雪龢沙絲竹豐州有春來祇欠花

送唐璣歸敷水莊

前人

毛女峯當戶日高頭未梳地侵山影掃葉帶露痕書松  
逕僧尋藥沙泉鶴見魚一川人境別集作風景好恨不有吾

廬

送裴校書

前人

拜官從秘省署職在藩維多故長踈索高秋遠別離天

寒泗上醉夜靜岳陽碁使府臨南海帆飛到不遲

送杜秀才東遊

前人

東遊誰見待盡室寄長安別夜葉頻落登途集作去程山已

寒大河風色渡曠野燒烟殘匣有青銅鏡時將照鬢看

送人南歸

前人

分手向天涯迢迢泛海波雖然南地遠見說北人多山  
暖花常發秋深鴈不過炎方饒勝事此去莫蹉跎

送人南遊

前人

此別天涯遠孤舟泛海中夜行常認火帆去每因風蠻  
國人多富炎方語不同鴈飛難度嶺書信若為通

送鄒明甫遊靈武

前人

魯宰西畿縣三年馬不肥債多憑劙與官滿載書歸邊  
雪藏行逕林風透卧衣靈州聽曉角客館未開扉

送朱可久歸越中

前人

石頭城下泊北固暝鍾初汀鷺潮衝起船窓月過虛吳  
山侵越衆隋柳入塘踈日欲躬調膳辟來何府書

送崔定

前人

未知遊子意何不避炎蒸幾日到漢水新蟬鳴杜陵秋  
江待得月夜話集作語恨無僧巴峽迎過否連天十二層

送姚杭州

前人

白雲峰下城日夕白雲生人釣魚江老

集作人老江波釣

田侵

海樹耕吳山鍾入越蓮葉吹搖旌詩異石門思濤來閣

上向集作迎

送黃和新歸安南

前人

池亭沈飲徧非獨曲江花地遠路穿海春歸冬到家火  
山難下雪瘴土不生茶知決秋移集作來計相逢期尚賒

送田卓入華山

前人

山深是暮蟬驚覺石床眠瀑布五千仞草堂瀑布邊檀  
松涓滴露嶽月汎寥天鶴過君須看上頭應有仙

送人適越

前人

高城滿夕陽何事欲沾裳遷客蓬蒿暮遊人道路長晴  
湖勝鏡碧寒柳似金黃若有相思夢殷勤載八行

送饒州張使君

前人

終南雲雨連城闕去路西江白浪頭滌上郡齋離昨日  
鄱陽農事勸今秋道心生向前朝寺文思來因靜夜樓  
借問泊帆干謁者誰人曾聽峽猿愁

送陝府王建司馬

前人

司馬雖然聽曉鐘尚猶高枕恣踈慵請詩僧過三門水  
賣藥人歸五老峰移舫綠萍深處息登樓涼夜此時逢  
杜陵惆悵臨相餞未寢月前多履屐

集作蹤

送羅少府歸牛渚

前人

作尉長安三月罷

集作二月

忽思牛渚夢天台楚山遠色獨

歸去灞水空流相送迴霜覆鶴身松子落月分螢影石  
房開白雲多處應頻到寒澗泠泠濺集作激古苔

送沈秀才下第東歸

前人

曲言惡者誰悅耳如彈絲直言好者誰刺耳如長錐沈  
生才俊秀心腸無邪欺君子忌苟合擇交如求師毀出  
嫉夫口騰入禮部闈下第子不恥遺才人耻之東歸家

堂遠棹轡時參差浙雲近吳見汴柳接楚垂明年春光  
別迴首不復疑

送周判官元範赴越

前人

原下相逢便別離蟬鳴闊路使回時過淮漸有懸帆興  
到越應將墜葉期城上秋山生菊早驛西寒渡落潮遲  
巴蜀幾徧隨旌旆去謁荒郊集作涼大禹祠

送陳商

前人

古道長荆棘新岐路交橫君於荒榛中尋得古轍行足

踏聖人路貌端禪士形我曾接夜談似聽講一經聯翻  
曾數舉昨登高第名金底絕烟火曉行皇帝京上客遠  
府遊主人須月明青雲別青山何日復同升

送張校書季霞

前人

從京去容州馬在船上多容州幾千里直傍青天涯掌  
記試校書未稱高詞華義枉不可屈出家如入家城市  
七月初熱與夏未差餓君到野地秋涼滿山波南境異  
北候風起無塵沙秦吟宿楚澤海酒落桂花暫醉即還

醒彼土生桂茶

送汲鵬

前人

淮南卧理後復逢君姓汲文采非尋常志願期卓立深江東泛舟夕陽眺原隰夏夜言詩會往往追不及

送集文上人遊方

前人

來從道路井去求溪邊會分首芳草時遠意青天外此遊詣幾嶽嵩華衡恒泰

文苑英華卷二百七十八

欽定四庫全書

文苑英華卷二百七十九

宋 李昉等 編

送行十四

厲元二首

劉三復一首

釋無可十七首

劉得仁十五首

于武陵二首

周賀十三首

溫庭筠十二首

紀唐夫一首

李羣玉二首

張祜九首

陳陶四首

送顧非熊及第歸茅山

厲元

故山登第去不似舊歸難。帆卷江初夜，梅生洞少寒。採  
薇留客飲，折竹掃仙壇。名在儀曹籍，何人肯掛冠。

送黃暉明府岳州湘陰赴任 前人

恩霑謳雪幾人，同歸宰湘陰。六月中商嶺，馬嘶殘暑雨。  
席帆高掛早秋風，貢名頻向書闈失。飛檄魯傳朔漠空  
西省，尚嗟君宦遠。水雞啼處莫聽鴻。

同前

劉三復

擬占名場第一科龍門十上困風波三年護塞從戎遠  
萬里投荒失意多花縣到時銅墨貴葉舟行處水雲和  
遙知布惠蘇民後應向祠堂弔汨羅

送姚中丞赴陝州

釋無可

三陝周分地恩除左掖臣門闈開幕重搶甲下天新夾  
道行霜騎迎風滿草人河流銀漢水城賽鐵牛神意氣  
依違許上陳何妨向紅旆自與白雲親

送李使君赴瓊州兼五州招討使

釋無可

分竹雄兼使南方到海行臨門雙旆引隔嶺五舟迎猿  
鶴同枝宿蘭蕉夾道生雲垂前騎失山豁去帆輕雨露  
蒸秋岸潮濤震夜城政閑開迥閣欹枕島風清

送李郎中赴海州

前人

出守滄州去西風送旆旌路遙經集作過幾郡地盡到孤

城拜廟千山綠登開作樓遍海晴何人共東望月向積

集作開

濤生

夏日送田中丞赴蔡州

前人

出守海南城應多戀閨情地遙人久望風起旆初行楚  
廟繁蟬斷淮田細雨生賞心知有處蔣宅古津平

送薛重中丞充太原副使

前人

中書華省外

集作出  
華省

副相晉陽行書答偏州啟籌參上

將營踏沙寒馬細收集作吹雨曉笳清正報胡塵滅桃花

汾水生

前人

送靈武李侍御

前人

靈州天一涯幕客似還家地得江南壞塵分磧裏沙鹽  
調上味貢集作禁鹽  
調上味麥穗集作貢結秋花前席因籌畫清吟塞日斜

冬夜姚侍御宅送李廓少府 前人

王事圭峰下將還禁漏餘偶歡新歲近惜別後期踈雪  
罷見來吏川昏聊整車獨吟多暇日應寄栢臺書

送喻鳬及第歸陽羨

前人

姓字載科名無過子最榮  
宗中初及第江上觀難兄月  
向波濤沒茶連洞壑生石橋  
高思在且為看東坑

送人罷舉東遊

前人

東堂今已負復此遠行難  
兼雨風聲過連天草色乾鴻  
嘶荒壘閉兵燒廣川寒若向龍門  
宿懸知拭淚看

送姚明府赴招義縣

前人

濠梁古縣城結束赴王程  
道路携家去波濤隔月行車  
臨芳草下吏踏落花迎暮郭  
山遙在春洲鳥不驚風煙

譙國遠桑柘楚田平何似書能化長淮澈海清

送阮江宋明府即開府景之孫

前人

初聞從事日鄂渚動芳菲一遂鈞衡薦今為長史歸人  
臨沅水望鴈映楚山飛唯有傳聲政家風重發輝

送宜春裴明府是將軍旻之孫

前人

垂白方為縣徒集作從知大父雄山春南去棹楚夜北飛

鴻疊嶂和雲滅孤城與嶺通誰知持惠化一境動清風

送李少府之臨邛

前人

邛南方作尉調補一何卑發論唯公幹承家乃帝枝山長風裊棧江蔭石和澌舊井王孫宅過尋獨有期

送王明府之任安福

前人

落絮滿衣裳攜琴問水鄉掛帆南入楚到縣半浮湘吏散翠禽下庭閑班竹長人安知遠泛沙上薰蘭芳

夏日送崔秀才

前人

南方山水地念子為貧遊縱是逢佳境那能緩旅愁夕  
陽行遠道煩暑在孤舟莫向巴江過猿聲感淚流

送杜司馬再遊蜀中

前人

為客應非願愁成欲別時還遊蜀國去不惜杜陵期劍  
水啼猿在闊林轉棧遲日光低峽口雨勢出峨眉川迥  
遲集作山  
迎逢殘角山集作雲開識遠夷勿令雙鬢髮併向錦

城衰

前人

送薛秀才遊河中兼投任郎中留後

前人

詩古賦縱橫令人畏後生駕言遊禹跡知已在蒲城月

集作日射雲煙散風吹草木榮孤吟臨寇境莫欲請長纓

送鄂州崔大夫赴鎮

劉得仁

廉問帝難人朝廷輶重臣入山初有雪登路正無塵去  
國鳴騶緩經雲住旆頻千峰與萬木親聽雨情新

送錢給事赴虢州

前人

帝心憂號俗暫輶集作諫垣臣疲瘵初承制鄉閭似得

春化成應有瑞位重轉間貧用作鹽梅日爭廻卧轍人

送雍陶侍御赴兗州裴尚書幕

前人

綸閣知孤直翻論北巷賢且廉蓮府集作幕裏會致玉堦

前沫泗秋微動龜蒙月正圓元戎軍務息清旬待君聯

送姚合郎中任杭州

前人

水陸中分程看花一月行會稽山陽浪天竺樹連城候

吏齋魚印迎船載旆旌渡江春始半嶼嶼草初生

送新羅人歸本國

前人

鷄林隔巨浸一往一年行日近國先曙風吹海不平眼  
穿鄉井樹頭白沙渺程到彼星霜換集作變唐家語却生

送靈武朱書記

前人

靈師與誰善得君賓幕中從容應盡禮贊畫致元集作殊  
功連虜雲長慘繞秋樹半空相如偏自愜掌記復乘驥

早春送湘潭李少府之任 前人

柳新春水涓春岸草離離祖席酒忽盡

集作席酒愁言盡

行人

淚自垂業文傳不久

集作朽

作尉豈多時公退琴堂上風

吹

集作來

斑竹枝

送越客歸

前人

霜薄東南地江楓落未齊衆山秋楚上孤棹宿吳西渚  
客留僧語檻猿失子啼到家冬即是荷盡若耶溪

送河池李明府之任

前人

河池安所理種柳與彈琴自合清時化仍資白首吟程  
餘行片月公退入遙林想得除民瘼長施父母心

送車濤

集作

罷舉歸山

前人

朝是暮還非人情冷暖移浮生只如此強進欲何為要  
路知無援深山必遇師憐君明厥

此集作

理休去不遲疑

送蔡京侍御赴大梁幕

集作  
辟

同城各多故會面亦稀踈及道須相別臨岐恨有餘梁  
園飛楚鳥汴水走淮魚衆說裁軍檄陳琳遠不如

送王書記歸邠州

前人

陳琳輕一別上馬意超然來日行煩暑歸時早聽蟬陰

雲翳城郭細雨紊山川從事公劉地元戎舊禮賢

送謝觀之劍南從事

前人

迢遞從知己他入敢更言離京雖未臘到府已應暄飛  
急奔行鴈啼酸憶子猿江山無限思君擬共誰論

送周鉞往江夏

前人

東西南北郡自說遍曾遊人世終多故

集作欲

皇都不少

留郢城帆過夜漢水月

集作漢月水

方秋此謁親知去

集作後

聞猿空有豈解愁

前人

送顧非熊作尉盱眙

前人

一名兼一尉未足是君伸歷數為詩者多來作諫臣路  
翻平楚鳥草帶古淮薪天下雖云大同人有幾人

送客東歸

于武陵

一聽遊子歌秋計覺蹉跎四海少平路百川無定波共  
驚年已暮俱向客中多又駕征輪去東歸將若何

送鄆縣董明府之任

前人

南北行已久憐君知苦辛萬家同草木三載逐陽春東

道聽遊子夷門歌主人空持語相送應恠不沾巾

送唐紹歸建業

周賀

南朝秋色滿君去思如何帝業空城在民田壞塚多月圓臺獨上栗綻寺頻過籬下西江濶相思見白波

送客

見二百六十一卷

送陸判官防秋

前人

疋馬無窮地三年逐大軍筭程淮色一作涯遠起帳夕陽

煦瀑水行時漱邊笳語次聞要傳詩一作書禮去應到磧

西  
一作東  
雲

送從兄南遊

前人

山水疊層層吾兄涉復集作又登掛帆春背鴈尋磬夜逢

僧雪溜懸衡岳

集作

江雲蓋秣陵評文來

集作永

不妄此

說是中興

長安送鄉人

前人

上國多離別年年渭水濱空將未歸意欲說向行人雨  
度池塘草山連井邑春臨岐惜分手日暮一沾巾

送楊嶽歸巴陵

前人

何處得鄉信告行當雨天人離京口日潮入

集作送

岳陽

船孤鳥背林

一作秋

色遠帆開浦煙悲君唯此別不肯話

迴年

送張消疑之陸州

前人

遙憶新安舊扁舟往復還淺深看水石來往逐雲山到

縣餘花在過門五柳閑東征

闕

俱隱薜蘿間

送省已上人歸太原

前人

惜別聽邊漏窗燈落燼重寒僧回絕塞夕雪下窮冬出  
馬聞殘角休兵見壞鋒何年更來此老却倚培松

送朱慶餘

前人

彈客行無定全家在浦東寄眠僧閣靜贈別橐金空舊  
里千山隔歸舟百計同藥資如有分相約老其中

送友人

前人

彈琴多去情浮檝皆潮行人望豐塢宿蟲依蠹木鳴牆  
煙連浦色蘆雨入船聲如疾登雲路憑君寄此生

送石協律歸吳

前人

僧窗夢後憶歸耕水涉應多半月程幕府罷來無藥價  
沙中戴去有山情夜隨靜渚離蛩語早過寒潮背井行  
已讓辟書稱抱疾滄洲便許白髭生

送韓評事

前人

門枕平

集作重

湖秋景好水雲松色遠相依罷官餘俸租

田種送客廻船載石歸離岸遊魚逢浪退望巢寒鳥逆

風飛嵩陽舊業

集作隱

多時別閑月行吟入翠微

送郭秀才歸金陵

前人

夏後客堂黃葉多  
又懷家國起悲歌  
酒前欲別語難盡  
雲際相思心若何  
鳥下獨山秋寺磬  
人隨大舸晚江波  
南徐舊業幾時到  
門掩殘陽積翠蘿

送人遊淮海

溫庭筠

背橋燈色暗  
宿客夢初成  
半夜竹窓雨  
滿池荷葉聲  
簾涼秋閣思  
木落故山情  
明發又愁起  
桂花溪水清

送渤海王子歸本國

前人

疆理雖重海車書本一家  
盛勲歸舊國佳句在中華  
定界分秋漲開帆到曙霞  
九門風月好回首是天涯

送人東遊

前人

荒戍落黃葉浩然離故闕  
高風漢陽渡初日郢門山  
江上幾人在天涯孤棹還何當  
重相見樽酒慰離顏

送洛南尉之官

集作李主簿

前人

想君秦塞外因見遠

集作應見楚

山清槲葉曉迷路枳花春

滿庭祿優仍侍膳官散得專經余亦還愚谷歸心在翠

屏

送北陽袁明府

前人

楚鄉千里路君去及良晨葦浦迎船火茶山候吏塵桑  
濃蠶卧晚麥秀雉聲春莫作東籬興青雲有故人

送李生歸舊居

前人

一從征戰後故社幾人歸薄宦離山久高談與世稀夕  
陽當板檻春日入柴扉莫却嚴灘意西溪有釣磯

送淮陰縣令

前人

隋堤楊柳煙孤棹正悠然蕭寺通淮戍蕪城枕楚田魚  
鹽橋上市燈火雨中船故老青葭岸先知宓子賢

早春淮水送友人

前人

青門煙野外渡淮送行人鴨卧溪沙暖鳩鳴社樹春殘  
波青有石幽草綠無塵楊柳東風裏相看淚滿巾

送襄州李中丞赴從事

前人

漢庭文彩有相如天子通宵愛子虛把釣看碁高興盡  
焚香起草宦情踈楚山重疊當歸路溪月分眞到直廬

江雨蕭蕭帆一片此行誰道為鱸魚

送崔判官

集作  
郎中赴幕

前人

一別黔南

集作  
巫

似斷弦故交東去更潛然

集作  
悽然

心遊目

斷

集作  
送

三千里雨散雲飛二十年發跡豈勞天上桂屬

詞還得幕中蓮相思莫

集作  
休

道長安遠江月隨人處處

圓

西江上送漁父

前人

却逐嚴光向若耶釣綸菱棹寄年華三秋梅雨愁楓葉

一夜蓬舟宿葦花不見水雲應有夢偶隨煙鳥便成家  
白蘋風起樓船暮江燕雙雙正雨斜

送李憶東歸

六言

前人

黃山遠隔秦樹紫禁斜通渭城別路青青柳弱前溪漠  
漠苔生和風澹蕩歸客落日殷勤早鶯灞上金樽未飲  
謫歌已有餘聲

送溫庭筠尉方城

紀唐夫

何事明時泣玉頻長安不見杏園春鳳凰詔下雖沾命

鸚鵡才高却累身但飲綠醞消積恨莫辭黃綬拂行塵  
方城若比長沙遠猶有千山與萬津

送陶少府赴選

李羣玉

陶公官興本蕭踈長傍青山碧水居久向三茅窮藝術  
仍傳五柳舊琴書跡同飛鳥栖高樹心似閑雲在太虛  
自是葛洪求藥價不闊梅福戀簪裾

送于少監自廣州還紫邇 前人

鳴臯山水似麻源謝監東還憶舊集作故園海嶠烟霞輸

集作輕

遶翰洛川花木待廻軒宦情薄去詩千首世事閑  
來酒一樽明日途中見顏范始應通籍入金門

送王昌涉侍御

張祐

十里指東平軍前首出征諸侯青服舊御史紫衣榮入  
陣梟心死分集作衡圍虎力生畫時安楚塞刻集作駐日下

齊城號令朝移幕偷蹤夜斫營雲梯曾險上地道慣深  
行舉旆招降將投戈趣敗兵自慙居虜者當此立功名

送劉崇德尉睦州建德縣

前人

一命前途遠雙曹公邑閑夜潮人到郭春霧鳥啼山淺瀨橫沙堰高嵒峻石班不堪曾倚棹猶復夢昇攀

送蘇紹之歸嶺南

前人

孤舟越客吟萬里曠離襟集作衿夜月江流闊春風嶺路

深珠繁楊氏果翠耀孔家禽無復天南夢相思空樹林

送韋正字

貫集作

赴制科

前人

可愛漢文年鴻恩蕩海塉木雞方備德金馬正求賢大

戰希遊刃長途在着鞭佇聞晁董策偏集作便向使中傳

送楊秀才遊蜀

前人

鄂渚逢遊客瞿唐上去船峽深明月夜江淨集作靜碧雲天舊俗巴歛舞離情新聲集作蜀國絃不堪揮惻恨一涕自潛然

送沈下賢謫尉南康

前人

秋風江上草先是客心惟萬里故人去一行新鴈來山高雲緒斷浦迥月波頽莫恤南康遠相思不可裁

送徐彥夫南遷

前人

萬里客南遷孤城漲海邊瘴雲秋不斷陰火夜長然月  
上行虛市風迴望舶船知君還自潔更為酌貪泉

送韋整尉長沙

前人

遠遠長沙去憐君利一官風帆彭蠡疾雲水洞庭寬木  
客提蔬束江烏接飯丸莫言卑濕地未必乏新歡

送李長史歸涪州

前人

涪江江上客歲晚却還鄉暮過高唐雨秋經巫峽霜急  
灘船失次疊嶂樹無行好為題新什知君思不常

南海送韋七使君赴象州任 陳陶

一鶴韋公子新恩領郡符島夷通荔浦龍節過蒼梧地  
理金城近天涯玉樹孤聖朝朱紱貴從此展雄圖

送沈次魯南遊

前人

高臺贈君別滿握軒轅風落日一揮手金鸞雲雨空驚  
洲石梁外劖浦羅浮東茲興不可接翛翛煙際鴻

送江西周尚書赴滑臺

前人

楚謠襦袴整三千喉舌新恩下九天天角雄都分節鉞

蛟龍舊國罷樓船  
崑河已在兵鈐內  
棠樹空留鶴嶺前  
多病無因酬一顧  
鄢陵千騎去翩翩

閩中送任畹端公還京 前人

燕臺上一作下 榻玉為人月桂曾輸次第春  
幾日酬恩座  
炎瘴九秋高駕拂星辰  
漢庭鳳進鸞行喜隋國珠還水  
府貧多少嘉謀奏風俗斗牛孤劍在平津

文苑英華二百七十九

欽定四庫全書

文苑英華卷二百八十

宋 李昉等 編

送行十五

方干二十一首

李洞十一首

杜牧七首

許渾二十八首

雍陶四首

送姚合貞外赴金州

方干

受詔從華省開旗發帝州野煙新驛曙殘照古山秋樹

勢連巴沒江聲入楚流唯應化行後吟句上閒樓

以下十一篇並見集本

送江陰霍明府之任

前人

遙遙去舸新浸郭葦兼蘋樹列巢灘鶴鄉多釣浦人虹  
分陽羨雨浪隔廣陵春知竟三年袂琴書外是貧

送人之日本

前人

蒼茫大荒外風教即難知連夜揚帆去經年到岸遲波

濤吞

集作舍

左界星斗正東夷

集作東維定

或有歸風便當為

相見期

別喻鳬先輩

前人

知心似古人歲久分彌親離別波濤澗留連槐柳新武

陵閑

集作墓  
陵寒

墓貰酒漁浦夜垂綸若

集作自

此星居後音書

豈厭頻

送相里燭

前人

相逢未作期此送欲集作相送定何之不得長年少那堪遠

別離泛湖乘月早踐雪過山遲永望多時立翻如在夢

思

送從兄韋邵

前人

道路本無限更集作又應何處逢流年莫虛擲華髮不相容野渡波搖月寒空集作又城雨翳鐘此心隨去馬迢迢過

千峯

送許渾

集作溫

前人

壯歲分彌切鬢年心正集作即同當聞千里去難遣一樽空翳燭蒹葭雨吹帆橘柚風明年見親族冬盡集作在

懷中

寄朱特

前人

登車誤相遠談笑亦何因路入瀟湘樹書隨巴蜀人飲  
衣寒犯雪傾篋病看春莫貴集作負 鬚年去集作志清朝有

獻臣

送趙明府還北

前人

故林終不在鯉鶴在扁舟盡室無餘俸還家得白頭鐘  
催吳岫晚月照渭河流曾是棲安邑恩期異日酬

送鄭端公

前人

聖主佞性宣室事，豈容才子滯長沙。  
隋珠此去方酬德，趙璧前時悞指瑕。  
驄馬將離江浦月，繡衣却照錦林花。  
集作漢煙中禁應憐寢，莫滄洲客霄壤。

送睦州侯郎中赴闕

前人

昔著政聲聞國外，今留儒術化江東。  
青雲舊路歸仙掖，白雪新詞入聖聰。  
絃管未知銀燭曉，旌旗已待錦帆風。  
郡人誰識酬恩德，徧在三年禮遇中。  
集作難

送永嘉王明府之任二首 前人

定擬孜孜化海邊須判素髮侮流年波濤不應三集作雙

溪水分野長如二月天浮客若容閒荻地釣翁應免稅  
笞田前賢未必全堪學莫讀當時歸去篇

二

雖展縣圖如到縣王程猶入縉雲東山間閣道盤花集作  
嚴底海界孤村集作在浪中禮法未聞離漢制土宜多  
說似吳風字人若用非常術唯要旬時便立功

送婺州許錄事

前人

之官便是還家路白日堂堂着錦衣八詠遺風資逸興  
二溪寒色助清威曙星沒盡提綱去暝角吹殘鎖印歸  
笑我中年更愚癡醉醒多在釣魚磯

送錢特卿赴職天台

前人

路入仙溪氣象清垂鞭樹石罅中行霧昏不見西陵岸  
風急先聞瀑布聲山下縣寮張樂送海邊津吏棹舟迎  
詩家弟子無多少唯只於余別有情

送杭州李員外

前人

政成何必

集作用

滿三年上界羣仙待

謫仙便赴新恩歸

紫禁還從舊路上

青天笙歌愁

集作怨

咽當離席更漏丁

東在畫船正殿

集作必恐

駐班留立位前程一步

集作咫尺

前是

爐煙

送孫百篇遊天台

前人

東南去路落斜行入樹穿村見赤城遠近常聞

集作時皆

藥氣高低無處不泉聲映巖月

集作日

向床頭沒濕燭雲

從柱底生更有仙花與靈草集作鳥恐君多半不集作未知

名

送人宰永泰

前人

北人雖泛南流水稱意南行莫恨賒道路先經毛竹嶺

風烟已

漸集作

近刺桐花舟停漁浦猶為客縣入樵溪似

到家下馬政聲

集作成

王事少應容閩吏日高衙

送晉陵王少府赴選

集作舉

前人

相看不忍盡離觴五兩牽風速去檣遠驛新砧應弄月

初程殘角未吹霜  
越山直下分吳苑  
淮水橫流入楚鄉  
珍重鄰家好兄弟  
明年祿位在何方

送李秀才將遊雪上便議北歸

陳集作

前人

婆娑戀酒山花盡  
繚繞還家水路通  
轉檝擬投青草岸  
吹帆猶是白蘋風  
淮邊欲暝軍鼙急  
洛下光寒苑樹空  
詩句因余更孤峭  
書題不合忘江東

送吳彥融赴舉

前人

用心精至自無疑千萬人中似爾汝作集稀上國繞將五  
字去全家便望待集作一枝歸西陵柳路搖鞭盡北固潮  
程掛席飛想見明年榜前事當時分散著來衣

送曹郎中棄官南歸集作南中用軍李洞

桂水清和天南歸似謫仙繫條輕象笏買布接蠻軒海  
氣蒸聲軟江風擘疑作劈箭偏罷郎吟亂里帝遠豈知賢

龍州送鄭郎中兼寄昌明鄭侍御

前人

待車登岱障經亂集鵠原省壞蘭飄葉臺空柏有根縣  
清江入峽樓靜雪連村莫隱匡山社機雲受晉恩

送盧郎中赴金州

前人

雲明漆嶺高刺郡輶仙曹危棧窺猿頂公庭掃鶴毛出  
軍明壁罅話道白眉毫遠集歌謡客舟前泊幾艘

冬日送涼州刺史

前人

寵餞西門外雙旌出漢陵未辭金殿日已夢雪山燈地  
遠終峯盡天寒朔氣凝新年行已到舊典聽難勝吏掃

盤鵠影人遮散馬乘移軍駝駄角下塞掾河水獵近崑  
崙獸吟招磧石僧重輸右藏實方見左車能兵聚邊風  
急城寬夜月澄連營烟火嶺望詔幾廻登

送知已赴任華州

前人

東門罷相郡北拜重京華落月開宵印初燈見早麻雞  
身紅旆拂仙掌白雲遮塞色侵三縣河聲聒兩衙松根  
醒客酒蓮葉隱僧家一道帆飛直中筵獄影斜書銘尋  
雪石澄鼎露金沙鎖合眠關史盃空啄廟鴉分臺話嵩

洛賽雨拜烟霞樹谷期招隱吟詩煮栢茶

送東宮賈正字遊蜀

前人

南朝馱晉史蜀地瞰巴樓長棧懷宮館踈峯露劍州半  
空飛雪化一道白雲流若次江邊邑宗詩為遍搜

送知已赴濮州

前人

中路行僧謁郵亭話海濤劒搖林狹落旗閃岳禽高苔  
長空州獄花開夢省曹濮陽流政化一半布一作風驅有

送人遊天台

前人

行李一條籐雲邊曉扣冰丹經如不謬白髮若為能淺  
井山集作仙人

集作仙人

鏡明珠海客燈乃知真隱者笑就漢庭徵

送福州從事

前人

嶺前齊鳥飛雨過荔枝肥南斗看應近北人來甚稀湖  
浮廉使宴珠照島僧歸幕下閒遷拜何官著茜衣

龍州送友人赴舉

前人

獻策赴招携行宮積翠迷

集作西

挈芋囊秋卷重轉棧晚峯

齊踏月候朝見拂雲看省題飛鳴肯廻顧獨鶴困江泥

送友罷舉赴邊職

前人

出劙篇章入雒文無人細讀嘆俱焚莫辭秉笏隨紅旆  
便好携家住白雲過水象浮蠻境見隔江猿叫漠州聞  
高談闊略陳從事盟誓邊庭壯我軍

送容州唐中丞赴鎮

杜牧

交趾同星座龍泉佩斗文燒香翠羽帳看舞鬱金裙鷁  
首衝龍浪犀渠拂嶺雲莫教銅柱北長空集作說馬將軍

池州春日送前進士蒯希逸 前人

芳草復芳草斷腸還  
斷腸自然堪下淚何必更殘陽楚岸千萬里燕鴻三兩行有家歸未得况舉別君觴

送劉秀才歸江陵

前人

綵服鮮華觀渚宮鱸魚新熟別江東劉郎浦夜侵舡月宋玉亭春澑集作弄袖風落落精神終有立飄飄才思杳無窮誰人世上為金口借取明時一薦雄

送國基王逢

前人

王子紋楸一路饒最宜簷雨竹蕭蕭羸形暗去春泉長

猛勢橫來野火燒  
守道還如周柱史  
麌兵不羨霍嫖姚

浮生

一作得年

七十更萬日與爾期於局上銷

宣州送裴坦判官往舒州時牧欲赴官歸京

日暖泥融雪半銷  
行人芳草馬聲驕  
九華山路雲遮岫

集作寺

青清

弋江村柳拂橋  
君意如鴻高的的  
我心懸

旆正搖搖同來不得同歸去  
故國逢春一寂寥

送李羣玉赴舉

前人

故人別來面如雪  
一榻拂雲秋影中  
玉白花紅三百首

五陵誰唱與春風

送人

又云  
寓言

前人

鴛鴦綺被集作帳裏暖芙蓉遙想關山萬里重集作低泣關山幾萬重

明鏡半邊釵一股人集作此生何處不相逢

送客江行

許渾

蕭蕭蘆荻花郢客獨辭家遠棹依山響危檣轉浦斜水  
寒澄淺石潮落漲虛沙莫與征徒望鄉園去漸賒

送前緜氏韋明府南遊

前人

酒闌橫劒歌日暮望闊河道直去官早家貧為客多山

昏函谷雨水落洞庭波莫盡遠遊興故園荒薜蘿

送客歸荆

集作湘

前人

無辭一樽酒

集作無辭  
一盃酒

平昔

集作昔日

與君深秋色換歸鬢

曙光生別心桂花山廟冷楓樹水亭

集作樓

陰此路千餘

里應勞楚客吟

送客歸南

集作蘭溪

前人

花下送君處

集作歸路

路長應過秋暮隨江鳥宿寒共嶺猿

愁衆水喧巖

集作  
岩

瀨羣峯抱戍

集作  
沈

樓因君幾南望曾

向此中遊

筭山津送客歸峽中

前人

津亭多別離楊柳半無枝住接猿啼處行逢雁過時江

帆望風急

集作江風  
颶船急

山月下樓遲此夕歸城郭不眠人

詎知宿烟波勞夢思

集作還就西齊  
宿烟波勞夢思

送李公自淮楚之南昌

集作送前南  
陸李少府

前人

高人亦未閑來往楚雲間劖在心應壯書窮贋已班落  
帆秋水寺驅馬夕陽山明日南昌尉空齋又掩闌

送客

集作懷江  
南同志

前人

南國去

集作別

經年雲暗波接天蒲深鷺戲花暖鷗

集

眠竹暗湘妃廟楓陰楚客船唯應洞庭月萬里共蟬

集作

娟娟

送從兄別駕歸蜀州

并序

前人

從兄彥昭與桂陽令韋伯達貞元年中俱為千牛伯達

官至王府長史長慶中非罪受譴前年會赦復故秩詔  
未及而已身沒從兄自蜀而南發旅櫬歸葬塗上既而  
西還因成十韻贈別

聞與湘南令童年侍玉墀家留秦塞曲官謫瘴溪涓道  
直姦臣屏寃深聖主知逝川東去疾霑澤北來遲青漢  
龍髯去蒼山馬鬣移風悽聞笛處日慘罷琴時客路黃  
公廟鄉闕白帝祠已稱鸚鵡賦寧誦鶴鵠詩遠道書難  
達長亭酒重集作莫持當憑蜀江水萬里寄相思

送從兄歸隱藍溪

前人

名高猶素衣

一作氣高  
聲不達

窮巷掩荆扉

漸老故人少

久貧

豪客稀塞雲橫劖望山月抱琴歸

幾日藍溪醉藤花拂

釣磯

一作莫遣  
路青苔滿釣磯

送人歸吳興

前人

綠水棹雲月洞庭歸路長春橋懸酒幔夜柵集茶檣嚴

影

集作葉

沈溪暖蘋花遙郭香應逢柳太守為說遇瀟湘

送友人罷舉歸東海

前人

滄海天塹外何島是新羅舶主辭番遠暮僧入漢多海  
風吹白鶲沙日曠紅螺此去知投筆須求利劒磨

送鄭秀才東歸馮達家書

前人

欲寄家書客未過閉門心遠洞庭波四鄰花落清

集作雨嚴

花落夜風急一逕葦荒秋

集作草荒春

雨多愁泛楚江吟浩渺

憶歸吳岫夢嵯峨貧居不問應知處溪上閑船繫綠蘿

送盧先輩自衡嶽歸

集作赴

復州嘉禮

前人

名振金闈步玉京暫留滄海見高情衆花盛

集作盡

處松

千尺羣鳥喧時鶴一聲朱閣簾涼初

集作疎

雨過碧溪船

動早潮生離心不異西江水直送歸

集作征

帆萬里行

送前東陽于明府由鄂渚歸故林

前人

結束征車換黑貂灞西風雨正瀟瀟茂陵久病書千卷

彭澤先

集作初

歸酒一瓢帆帶

集作背

夕陽溢水闊棹經秋

月

集作滄海

龍山遙殷勤為謝南溪侶

集作客

白首螢窓未見

招

送陸拾遺東歸

前人

獨振儒風遇盛時  
紫泥初降世人知  
封章報主非無意  
書劖還家自有期  
秋寺卧雲移棹晚  
暮江乘月落帆遲  
東歸自是緣清興  
莫比南山詠紫芝

送友人浙西任宰

集作送王明府上元赴任

前人

莫言名重懶驅雞  
六代江山碧海西  
日照蕪葭明楚塞

烟分楊柳暗見

集作

隋堤荒城樹繞

集作

沈書浦舊宅村

花集作連罨畫溪官滿定應

知集作

歸未得九重霄漢有丹

梯

呈王總下第歸丹陽

前人

秦橋

一作樓

西望楚天涯

集作江濱繫馬春風酒一卮

汴水月

明東下疾練塘

花發北來歸

一作遲

青山虛戀

定沒安貧

計白髮

黃葉集作

應催獻賦時

一作期

為寄家書報消息

集作憑寄

家書回報為舊鄉

集作君

還有故人知

南樓送錢李明府歸姑蘇

集作將歸姑蘇南樓  
錢送李明府

前人

無處登樓不繫情一憑

集作瓶

春酒醉高城漸移羅綺見

山色纔駐筦弦間水聲花落西亭添別夢柳陰南浦促

歸程前期迢遞今宵短更倚朱欄待月明

送薛洪南遊訪山習業

前人

姑蘇城外月初凋同上江樓更寂寥繞壁舊書塵漠漠  
隔窗寒竹雨蕭蕭憐君別路隨秋鴈盡我離觴任晚潮

從此草玄應有處白雲青草一相招

送客自兩河歸江南

集作西河送客歸江南

前人

兩河庶

集作西河陳

事已堪傷南客秋歸路更長臺畔古

集作

偃松悲魏帝苑邊脩竹弔梁王山行露變茱萸色水宿

風披

集作搖

菡萏香遙羨落帆逢舊友綠娥青鬢醉橫堂

塘

集作

送鄭秀才叔姪會送楊秀才昆仲東歸

前人

書劖功遲白髮新異鄉仍送故鄉人阮公留我客作竹

林晚

集作曉

田氏到家荆樹春雪盡塞鴻南翥少風來胡

馬北嘶頻洞庭烟月如終老誰是長楊諫獵人

兩人字疑有悞

送杜秀才歸桂林

集作桂往州

前人

桂州南去與誰同處處山連水自通兩岸曉霞

集作晚烟

千

里草半帆斜日一江風瘴雨欲來楓樹黑火雲初起荔  
枝紅愁君路遠銷年月莫滯三湘五嶺中

送嶺南盧判官罷職歸華陰山居

前人

曾事劉琨鴈塞空十年書劖似一作任飄蓬東堂舊屈一作

有移山志南國新留煮海功還掛一帆青草上更開三徑碧蓮中關西親友如相問已許滄浪伴釣翁

送武處士歸章洪山居 前人

形影無羣消息沈登聞集作門三繫疑血沾襟皇綱一日

開寬氣青史千年重壯心却望烏臺春樹老獨歸蝸舍

暮雲深他時縱有徵書去雪滿空

集作重

山不可尋

吳門送振武李從事

前人

曉促離筵醉玉缸伊川一曲淚雙雙欲移刀筆從新幕  
更宿烟霞別舊窗胡馬近秋侵紫塞吳帆乘月下清江  
嫖姚若許傳書檄坐築三城看受降

送人之任邛州

前人

綠髮監州丹府歸還家樂事我先知羣童竹馬交迎日  
二老蘭觴初見時黃卷新書芸委積青山舊路菊離披

亨衢自有橫飛勢便到西垣視訓辭

與韓鄭二秀才同舟東下洛中親朋集作朋友送至

景雲寺

前人

三十六峯同集作橫一川綠坡無路草芊芊牛羊晚食鋪

平地鵬鶻晴飛磨遠天洛客盡回臨水寺楚人皆逐下

江舡東西未有相逢日更競集作把繁花共醉眠

凌歛臺送韋秀才

前人

雲起高臺日未沈數村殘照半巖一作蘿陰野蠶成蘭桑

柘盡山

集作溪

鳥引雛蒲稗深帆勢依依投極浦鐘聲杳

杳隔前林故山迢遞故人去一夜月明千里心

送徐使君赴岳州

雍陶

渺渺楚江上風旗搖去舟馬歸雲夢晚猿叫洞庭秋別  
思滿南渡鄉心生北樓巴陵山水郡應集作偏稱謝公遊

送裴璋還蜀因亦懷歸

前人

客在劙門外新年音信稀自為千里別已送幾人歸陌

上月

集作日

初落馬前花正飛離言殊未盡春雨滿

集作濕

行衣

送前鄖縣李少府

前人

近出圭峯下還期又不賒身閑多宿寺官滿未移家罷釣臨秋水開樽對月華

集作向  
晚花

自當蓬

集作  
臺

閣選豈得

卧

集作  
憲

烟霞

送宜春裴明府之任

前人

南行春已滿路半水茫然楚望花當渡湘陰月

集作  
橘

滿

川山橫湖色上帆出鳥行前此任無辭遠親人貴用還



文苑英華卷二百八十

欽定四庫全書

集部

文苑英華卷二百八十一至三

詳校官太僕寺少卿臣李廷欽

助教臣常猶復勘

總校官進士臣朱

鈴

校對官中書臣秦

泉

謄錄監生臣閻

灋

欽定四庫全書

文苑英華卷五十八

宋 李昉等 編

送行十六

喻尼六首

李商隱一首

薛逢七首

姚鵠四首

項斯四首

趙嘏十四首

馬戴六首

顧非熊六首

薛能九首

送武毅之邠寧

喻鳬

戍路少人蹤  
邊烟澹復濃  
詩寧寫別恨  
酒不止離容  
驚拂沙河柳  
鴉啼石窟鐘  
悠哉一遐蹕

集作阻

山疊虜雲重

以下六篇並見集本

送賈島往金州謁姚員外

前人

山光與水色  
獨徃此中深  
溪瀝椒花氣  
巖盤漆葉陰  
瀟終共去巫  
峽羨先尋  
幾夕江樓月  
元暉伴靜吟

送友人罷舉歸蜀

前人

憔悴滿衣塵風光豈屬身賣琴紅粟貴看鏡白髭新棧  
畔誰高步巴邊自問津淒然集作憇酒莫滴血杜宇正哀春

送衛尉之延陵

前人

草木正花時交親觸雨辭一官之任遠盡室出城遲乳  
滴茅君洞鴉鳴集作啼集作季子祠想知佐理暇日有詠懷詩

送越州高錄事

前人

官曹權紀綱行李半舟航浦溆潮來廣川原鳥去長筍  
成稽嶺岸蓮發鏡湖香澤國還之任鱸魚浪得嘗

送潘咸

前人

時時齋破囊訪我息閒坊煮雪問茶味當風看鴈行心  
齊山鹿逸句敵桃花狂堅苦今如此前程豈渺茫

別薛巖賓

李商隱

曙與行將拂晨清坐欲凌別離真不那風物正相仍漫  
水清集作任誰照衰花淺自矜還將兩袖淚同向一窓燈  
桂樹乘真隱芸香是小懲清規無以況且用玉壺冰

送西川梁常侍之新築龍山城并錫賚兩州刺

史及部落酋長等

薛逢

聖主憂夷貊屯師剪東欽

浪吉一  
名東欽

皇家思眷祐星使忽

登臨用命期開國違天必釁

磧化湏均草樹恩不間飛

沉東馬凌蒼壁捫蘿上碧岑瘴川風自熱劖閣氣長陰

迅瀨從天急喬松入地深仰觀唯一逕俯瞰即千尋水

作新城帶山爲故壘襟東開洞君聽南闢納蠻心渥澤

濡三部

謂三王部落

衣冠化兩林帶文雕白玉符理篆黃金

鳥道經邛僰星纏過觜參廻軒如知

一作

膚獎休作苦辛

吟

送西川杜司空赴鎮

前人

黑眉元髮尚依然  
紫綬金章五十年  
三入鳳池操國柄  
八分龍節付兵權  
東周城闕中天外  
西蜀樓臺落日邊  
莫遣洪鑪曠真宰  
九流人物待陶甄

送司徒相公赴闕

前人

丞相銜恩赴闕時  
錦城寒菊始離披  
龍媒舊識朝天路  
鷄樹長虛入夢枝  
十載殿庭連步武  
兩來庸蜀撫疲羸

莫愁中土無人識，自有明明聖主知。

送封尚書節制興元

大封茅土鎮褒中，醉出都門殺氣雄。  
陌上晚花迎虎節，馬前新月學彎弓。  
珂臨響澗聲先合，旆到春山色更紅。  
欲識真心報天子，滿旗全是發生風。

送靈州田尚書

前人

陰風獵獵滿旗竿，白草颼颼劔氣攢。  
九姓羌渾隨漢節，六州蕃落從戎鞍。  
霜中入塞矟弓硬，月下翻營玉帳寒。

今日路傍誰不指穰苴門戶慣登壇

座中走筆送前蕭使君

前人

笙歌慘慘咽離筵槐柳陰陰五月天未學蘓秦榮佩印  
却思平子賦歸田芙蓉欲綻溪邊臉楊柳初迷渡口烟  
自笑無成今老大送君墮淚郭門前

重送徐州李從事商隱

前人

曉乘征騎帶犀渠醉別都門摻袂初蓮府望高泰御史  
柳營官重漢尚書斬蛇澤畔人烟曉戲馬臺前樹影踈

尺組掛身何用說古來名利盡邱墟

送人歸吳

姚鵠

東吳與上國萬里路迢迢為集作偶別晨昏久全輕水陸

遙湘陰島上寺楚色月中潮到此一長歎集作望知君積

恨銷以下四篇並見集本

送石貫

集作賈歸湖州

前人

同志幸同年高堂君獨還齊榮恩未報共隱事應閒訪

寺臨湖岸集作上開樓見海山洛中推二陸莫久戀鄉關

送劉耕歸舒州

前人

四座莫紛紛湏臾歧路分自從同得意誰不惜離群舊國連青海歸程在白雲棄繻當日路應競看終軍

送黃頤歸袁州

前人

莫倦連朝在醉鄉孔門多戀惜分行文章聲價從來重霄漢途程此去長何處聽猿臨萬壑幾宵因月滯三湘  
鑪峯若上應相憶不得同過惠遠房

送殷中丞遊邊

項斯

話別無長夜停燈聞曙鴉已行難避雪何處合逢花隴  
寺門多閉羌樓酒不賒還湏問邊將誰擬靜塵沙

送顧逢尉永康

前人

作尉猶年少無辭去路賒漁舟縣前泊山吏日高衙夏  
景臨溪寺秋聲織紵家行程湏過越應醉鏡一作滿非湖花

送歐陽袞歸閩

前人

秦城幾年住猶著故鄉衣失意時曾識成名後獨歸海  
秋蠻樹黑嶺夜瘴禽飛為學心難滿知君更掩扉

送苗七求職

前人

相逢不得三廻笑風送離情入剪刀客路最能銷日月  
夢魂空自怕波濤獨眠秋寺琴聲急遠拜城隍劔氣高  
去去緣多山與海鶴身寧不為飛勞

送令狐郎中赴郢州

趙嘏

佐幕才多始拜侯一門清貴動神州霜蹄曉駐秦雲斷  
野旆晴翻郢樹秋幾處塵生隨候騎半江帆盡見分流  
大馮罷相吟詩地莫惜頻登白雪樓

送張文新除溫州

前人

東晉江山稱永嘉  
莫辭紅旆向天涯  
凝絃夜醉松亭月  
歇馬曉尋溪寺花  
地與剡川分水石  
境將蓬島共烟霞  
却愁明詔徵非晚  
不得秋來見海槎

集作乘秋  
見海槎

共烟霞

共集  
作接

送滕邁郎中赴睦州

前人

郡齋秋盡一江橫  
頻命郎官地更清  
星月去隨新詔動  
旌旗遙映故山明  
詩尋片石依依晚  
帆掛孤雲杳杳輕

想到釣臺逢竹馬只應歌詠伴猿聲

送蕭俛相公歸山

前人

眼前軒冕是鴻毛天上人情謾自勞脫却朝衣便東去

青雲不及白雲高

送王龜拾遺謝官後歸灌水山居

前人

水邊殘雪照亭臺  
臺上風襟向雪開  
還似當時姓丁鶴  
羽毛成後一歸來

送剡客

前人

兩重江外片帆斜數里林塘遠一家門掩右軍餘水石  
路橫諸謝舊烟霞扁舟幾處逢溪雪長笛何人怨一作思  
柳花若到一作到日天台洞陽觀葛洪丹井在雲涯集作丹  
龜在雲

送盧緘歸揚州

集作盧鍼

前人

曾向雷塘寄掩扉荀家燈火有餘輝關河日暮望空極  
楊柳渡頭人獨歸隋苑荒臺風裏灞陵殘夢雨依依

今年春色還相悞為我江邊謝釣磯

李先輩擢第東歸有贈送 前人

金榜前頭無是非平人分得一枝歸正憐日煖雲飄路  
何處宴廻風滿衣門掩長淮心更遠渡連芳草馬如飛  
茂陵自笑猶多病空有書齋在翠微

送李裴評事

集本無  
李字

前人

塞垣從事識兵機只擬平戎不擬歸入夜笳聲含白髮  
報秋榆葉落征衣城臨戰壘黃雲晚馬渡寒沙夕照微

此別不應書斷絕滿天霜雪有鴻飛

白髮

集作素髮

城臨

集作連

此別

集作別後

送同年鄭祥先輩歸漢南

時恩門相公鎮山南

前人

年來驚喜兩心知高處同攀次第枝人倚繡屏閒賞夜  
馬嘶花徑醉歸時聲名本自文章得藩闈曾勞筆硯隨  
家去恩門四千里只應從此夢旌旗

送沈單作尉江都

前人

煬帝都城春水邊笙歌夜上木蘭船三千宮女自塗地  
十萬人家如洞天焰焰花枝官舍晚重重雲影寺牆連  
少年作尉須矜慎莫向樓前墜馬鞭

送李蘊赴鄭州因獻盧郎中

又玄集作中丞

前人

僕射陂西想到時滿川晴色見旌旗馬融閒卧笛聲遠  
王粲醉吟樓影移幾日賦詩秋水寺經年草詔白雲司  
唯君此去人多羨却是恩深自不知

到時

集作別時

草詔

集作起草

送韓絳歸淮南寄韓綽先輩

前人

島上花枝繁釣船隋家宮畔水連天江帆自落鳥飛外  
月觀靜依春色邊門巷草生車轍在朝廷恩及鴈行聯  
相逢且問昭州事曾鼓莊盆對逝川

且問昭州事

集作揚州事莫問

送薛耽先輩歸謁漢南

前人

雲繞千峯驛路長謝家聯句待檀郎手持碧落新攀桂

月在東軒舊選林幾日旌幢延駿馬到時冰玉動華堂  
孔門多少風流處不遣顏回識醉鄉

送田使君出蔡州

馬戴

主意思政理牧人官不輕樹多淮右地山遠汝南城望  
稼殷田隔登樓楚月生懸知蔣亭下諸鶴伴閒行

送呂郎中牧東海郡

前人

假道經淮泗檣鳥逐隼旗蕪城沙苑接波島石林踈海  
鶴公庭下夷人遠岸居山鄉足遺老佇聽薦賢書

送人遊蜀

前人

別離楊柳陌迢遙蜀門行若聽清猿後應多白髮生虹  
霓侵棧道雨雪雜江聲過盡愁人處烟雲是錦城

送狄叅軍赴杭州

前人

新官非次受聖主寵前勲闢雪發車晚風濤挂席聞海  
門山疊翠湖岸郡藏雲執簡從公後髯叅宣勝君

送從弟叔一作赴南幕

前人

洞庭秋色起哀狹更難聞身往海邊郡帆懸天際雲炎

州羅翠鳥瘴嶺控蠻軍消息來非易堪悲此路分

雪中送青州薛評事

前人

臘景不可犯從戎難自由憐君急王事走馬赴邊州  
獄雪明日觀海雲冒營邱慙無斗酒瀉敢望御重裘

送杭州姚員外

顧非熊

浙江江上郡楊柳到時春慙起背城鴈帆分向海人嶠  
雲侵寺吐汀月隔樓新靜裡更何事還應詠白蘋

送朴處士歸新羅

前人

少年離本國今去已成翁客夢孤舟裡鄉山積水東鼈  
沉崩巨岸龍闢出遙空學得中華語將歸誰與同

送馬戴入華山

前人

古木亂重重何人識去蹤斜陽收萬壑圓月上三峰雲  
裏泉縈石牕間鳥下松唯應採藥客時向此相逢

送喻鳥春歸江南

前人

去年登第客今日早春歸鶯影離秦馬蓮香入楚衣里  
間爭慶賀親戚盡光輝唯我門前渚苔應滿釣磯

送友人及第歸蘇州

前人

見君先得意希我命還通不道才堪並多緣塞共同鶴  
鳴荒苑內魚躍夜潮中若問家山路叨連震澤東

送皇甫司錄赴黔南幕

前人

黔南從事客祿利先來饒官受外臺屈家移一舸遙夜  
猿聲不斷寒木葉微凋遠別因多感新郎倍寂寥

送浙東

集作西非

王大夫

薛能

天爵擅忠貞皇恩復寵榮遠源過晉史甲族本綱笙亞

相兼尤美周行歷盡清制除天近曉衙謝草初生賓客  
招閒地戎裝擁上京九街

集作衛

鳴玉勒一宅照紅旌細

雨當離席遙花顯去程佩刀畿甸色歌吹館橋聲驪鞭

從秦賜艅艎到汴迎步沙逢霖月宿岸致嚴更渤海流  
東鄙天台壓屬城衆談稱重鎮公意念疲毗井邑曾多  
難瘡痍此未平察應均賦歛迫必復桑耕隼重權兼帥

鼈雄設有兵越毫隨厚俸剗碰得尤名

近相傳擣熟紙名碰

夜蠟

集作州中宴春風部外行香奩局鳳詔朱篆動

一作進龍

坑報後功何患投虛論素精微還真指掌感激自關

集作

閒情舊業懷昏作微班負旦評空餘驥雅事千古傲劉

楨  
以下九篇並見集本

送李殷遊京西

前人

立馬送君地黯然愁到身萬途皆有匠六義獨無人莫

恠敢言

集作言如此

已能甘世貧時來貴亦在事是掩何因

投刺皆羈旅遊邊更苦辛岐山終蜀境涇水覆蠻塵埋

沒食湏強炎蒸

集作涼

醉莫頻俗徒欺合得吾道死終新

展分先難許論詩永共親歸京稍作意充斥犯西隣

長安送友人之黔

疑作南

前人

衡嶽猶云過君家獨幾千心從賤遊話分向禁城偏陸路終何處三湘在素船琴書去迢迢星路照潺湲臺鏡簪秋晚盤蔬飯雨天同文到鄉盡殊國共行連後會應多日歸程自一年貧交永無忘孤進合相憐

送胡澳下第歸蒲津

前人

無媒甘下集作不飛君子尚麻衣歲月榮終在家園近且

歸山光臨舜廟河氣隔王畿甚積湯原思青青宿麥肥  
湯原故地

送馬戴書記之太原

前人

一曲大河聲全家幾日行從容長約夜差互忽離城鎮  
北湖沙淺途中霍嶽橫相於莫已泛詩句負雄名

送進士許棠下第東歸

前人

長安那不住西笑又東行苦似貧無計因何事有成雲  
峯天外出江色草中明謾忝相知分吾言世甚輕

送劉駕歸京

前人

相逢聽一吟惟我不降心在世憂何事前生得至音蒲  
多南去遠汾盡北遊深為宿關亭日蒼蒼曉欲臨

送李渾出塞

見二百九十九卷

前人

送李涪巡官歸永樂舊居

前人

羨君歸處

集作去

五峯前往往往星河實見仙夢隴夏枯成

廢地棗枝秋赤近高天山泉飲犧流多變村酒經蠶味  
可憐曾託道門終却住步虛聲裡寄閒眠

文苑英華卷二百八十一